

Cansou de las treilhas

I

Eh ! io tant là !
Passa se vos passa,
Passa dejout las treilhas.
Eh ! lo tant là !
Passa se vos passa,
Tres cops sans t'arresta !

II

Cap de Jouvent,
Que vas couma lou vent,
Espera ta poulida !
Cap de Jouvent !
Que vas couma lou vent,
Espera-la que ven !

III

Lou mes de maï
S'espandis fres e gaï,
La rosa es espelida !
Lou mes de maï
S'espandis fres e gaï,
Tout canta maï que maï.

IV

Lous aucelous,
Sus lous aubres en flous,
Disou sa cansounette :
Lous aucelous,
Sus lous aubres en flous,
Rendou moun cor jalous.

V

Coum'eles, ieu,
Angeta dau bon Dieu,
Se vos de poutounettas,
Coum'eles, ieu,
Angeta dau bon Dieu,
Que n'en fariei.. bon Dieu !

VI

Brave galant,
Sen pas au jour de l'an,
Gardas vostras brassadas,
Brave galant,
Sen pas au jour de l'an,
Fourvia vous de davan

VII

Au mes d'amour,
Poutounejou toujours
Dos amas ambrasadas,
Au mes d'amour,
Poutounejou toujours
La nioch amaï lou jour !

VIII

S'acos antau
Vendres à moun oustau,
Vous ie serai proumessa,
S'acos antau
Vendres à moun oustau,
Moun paire es pas brutau !

IX

Ma bella enfan !
Per amaïsa ma fam,
Aïci la taula messa !
Ma bella enfan !
Per amaïsa ma fam,
Per qu'espara deman !

X

Ses pas content,
Adissias, beü jouvent
Passas bona la festa !
Ses pas content,
Adissias, beü jouvent !
M'en vau qu'ai pas lou temps !

XI

Oh ! Jour charmant !
Mignota ! Prend ma man.
Pus tard veiren lou resta !
Oh ! Jour charmant !
Mignota ! Prend ma man.
Embé moun cor aimant.

